

Craobh an Domhain

Ceist 1

(a) Beidh tú ag féachaint ar thuirisc faoi Chraobh Sacair an Domhain agus Éire. Sula bhféachann tú ar an tuairisc féach ar na focail thíos atá le cloisteáil inti - an dtuigeann tú féin nó an duine in aice leat iad?

- deimhníodh
- iar-sheaimpíní
- cluiche cáilithe
- príomh-ionadaí
- meangadh mór gáire
- iomaíocht
- lucht tacaíochta
- ag creathadh
- tráth
- seachain

(b) Féachaigí ar an tuairisc anois - an féidir libh aon fhocal nach raibh ar eolas agaibh a fháil ón chomhthéacs?

Ceist 2

Anois agus an tuairisc feicthe agaibh cúpla uair, déan féin agus an duine in aice leat iarracht an dá cholún thíos a cheangal.

1. An Afraic Theas	a. an áit ar roghnaíodh cé a bheidh ag imirt sna cluichí cáilithe do Chraobh an Domhain
2. Zurich na hEilvéise	b. ag imirt in éadan na hÚcráine
3. Páirc an Chrócaigh	c. bainisteoir fhoireann na Fraince
4. Seán St. Ledger	d. an fear gur féidir buíochas a ghabháil leis as a bheith san iomaíocht sna cluichí seo
5. Renaldo	e. an áit a mbeidh Craobh an Domhain
6. Raymond Domenech	f. imreoir ón Phortaingéil
7. An Ghréig	g. an áit a mbeidh an chéad chluiche in éadan na Fraince.

1	2	3	4	5	6	7

Ceist 3

Féach ar an tuairisc arís agus déan an méid eolais agus is féidir a bhreacadh síos faoin tuairisc nach bhfuil luaite sna colúin thuas. Ansin cuir do chuid eolais i gcomparáid leis an eolas atá ag an duine in aice leat.

Ceist 4 '...ceathrú lá déag de mhí na Samhna. . .'

(a) Breac síos míonna na bliana.

_____	_____
_____	_____
_____	_____
_____	_____
_____	_____
_____	_____

(b) Cuir an focal 'mí' roimh na míonna anois. Bí cúramach - athraíonn an litriú anois sa tuiséal ginideach i gcuid mhaith de na míonna.

_____	_____
_____	_____
_____	_____
_____	_____
_____	_____
_____	_____

(c) Féach ar an sampla seo – cén fáth a bhfuil séimhiú ar an fhocal 'mí' anois?

- an seachtú lá de mhí na Nollag.

Ceist 5 '...An tSlóivéin...'

Cén Béarla atá ar na tíortha seo thíos gur baill den Aontas Eorpach iad?

An Bheilg	An Bhulgáir
An Chipir	An Danmhairg
An Eastóin	Éire (Poblacht)
An Fhionlainn	An Fhrainc
An Ghearmáin	An Ghréig
An Iodáil	An Ísiltír
An Laitvia	An Liotuáin
Lucsamburg	Málta
An Ostair	An Pholainn
An Phortaingéil	An Ríocht Aontaithe
An Rómáin	An Spáinn
Poblacht na Seice	An tSlóivéin
An tSlóvaic	An tSualainn
An Ungáir	

Ceist 6 Pléigh na ceistanna seo thíos leis na daoine i do ghrúpa:

VIFAX 20 Deireadh Fómhair 2009
Bunleibhéal

Cad a cheapann tú faoi chúrsaí sacair?
An tír í Éire a dhéanann go maith go ginearálta, i gcúrsaí spóirt sa domhan?
Cén tábhacht a bhaineann le hÉirinn a bheith i gCorn an Domhain, dar leat?
Ar cheart cead a thabhairt do dhuine nach Éireannach é imirt ar fhoireann na hÉireann?

Treoracha agus Freagraí

Ceist 1

deimhníodh – **it was confirmed**
iar-sheaimpíní – **ex-champions**
cluiche cáilithe – **qualifying game**
príomh-ionadaí – **main representative**
meangadh mór gáire – **a big smile**
iomaíocht – **competition**
lucht tacaíochta – **supporters**
ag creathadh – **shaking**
tráth – **once**
seachain – **to avoid**

Ceist 2

1	2	3	4	5	6	7
e	a	g	d	f	c	b

Ceist 3

Abair leis na foghlaimeoirí cúpla líne a scríobh faoi ábhar na míre agus é sin a chur i gcomparáid le hiarracht an duine in aice leo ansin.

Ceist 4

(a)

Eanáir	Feabhra
Márta	Aibreán
Bealtaine	Meitheamh
Iúil	Lúnasa
Meán Fómhair	Deireadh Fómhair
Samhain	Nollaig

(b)

mí Eanáir	mí Feabhra
mí an Mhárta	mí an Aibreáin
mí na Bealtaine	mí an Mheithimh
mí Iúil	mí Lúnasa
mí Mheán Fómhair	mí Dheireadh Fómhair
mí na Samhna	mí na Nollag

(c) Tagann séimhiú tar éis an réamhfhocail shimplí 'de'.

Ceist 5

An Bheilg / Belgium	An Bhulgáir / Bulgaria
An Chipir / Cyprus	An Danmhairg / Denmark
An Eastóin / Estonia	Éire (Poblacht) / Ireland
An Fhionlainn / Finland	An Fhrainc / France

An Ghearmáin / Germany

An Iodáil / Italy

An Laitvia / Latvia

Lucsamburg / Luxemburg

An Ostair / Austria

An Phortaingéil / Portugal

An Rómáin / Romania

Poblacht na Seice / Czech Republic

An tSlóvaic / Slovakia

An Ungáir / Hungary

An Ghréig / Greece

An Ísiltír / The Netherlands

An Liotuáin / Lithuania

Málta / Malta

An Pholainn / Poland

An Ríocht Aontaithe / The United Kingdom

An Spáinn / Spain

An tSlóivéin / Slovenia

An tSualainn / Sweden

Ceist 6

Tabhair tamall do na foghlaimeoirí na ceistanna anseo a phlé.

Craobh an Domhain

Maolra Mac Donnchadha

Deimhníodh tráthnóna gurb iad iar-sheaimpíní sacair na Cruinne, An Fhrainc atá idir Éirinn agus áit i gCraobh an Domhain san Afraic Theas an samhradh seo chugainn. De réir an tarraingt a rinneadh* i Zurich na hEilvéise, is i mBaile Átha Cliath a bheas an chéad chluiche cáilithe an mhí seo chugainn. Tháinig meangadh mór gáire ar Gerard Houllier, príomh-ionadaí na Fraince sa halla agus na liathróidí beaga glasa tagtha aníos as na babhlaí. Beidh an Fhrainc in ann Éire** a imirt i bPáras tar éis dóibh antrom Pháirc an Chrócaigh a bheith curtha díobh acu. Ach tá muid, ar a laghad san iomaíocht, a bhúiochas do chúl Seán St. Ledger agus don bhainisteoir. Dé Sathairn, an ceathrú lá déag de mhí na Samhna an chéad chomhraic leis na Francaigh, lá roimh chluiche fhoireann rugbaí na hÉireann ar an bpáirc chéanna. Ansin an Chéadaoin dár gcionn, an t-ochtú lá déag, a bheas an turas go Stade de France ag lucht tacaíochta a íocfaidh go daor ar thicéid eitleáin. Ach bídis buíoch nach sa bhfuacht i Moscó, ag creathadh roimh Andrei Arshavin, nó thall i Liospóin rósta ag Renaldo, a bheas siad.

Is fada uainn 1998 tráth a raibh na Francaigh ina máistrí. Tá ré Zizou thart. Cé go bhfuil Benzema, Ribery agus Anelka roimh fhoireann na hÉireann, níl an campa sásta ar chor ar bith de réir tuairiscí, faoi stiúir Raymond Domenech. Arís ar ais tá Henry ann i gcónaí – an fear a chuir an scian go deireanach in Éirinn tráth a raibh foireann i bhfad níos láidre againne freisin. Maidir leis na foirne a sheachain muid sna cluichí cáilithe, tarraingíodh an Phortaingéil le Bosnia and Herzegovina, an Rúis leis an tSlóivéin*** agus an Ghréig leis an Úcráin.

* *a deineadh* a deirtear

** *Éirinn* a deirtear

*** *le Slovenia* a deirtear